



15 JUN, 2024

Harga sayur di pasaran masih stabil

Kosmo, Malaysia

Page 1 of 2

Namun bergantung kepada faktor cuaca hujan

Harga sayur di pasaran masih stabil

Oleh ROSLIZA MOHAMED

KOTA BHARU – Lembaga Pemasaran Pertanian Persekutuan (FAMA) mengesahkan harga sayur-sayuran di pasaran ketika ini masih stabil.

Ketua Pengarah FAMA, Abdul Rashid Bahri berkata, bagaimanapun, naik dan turun harga sayur-sayuran di pasaran bergantung kepada faktor cuaca.

“Kenaikan itu tidak membebankan pengguna dan ia adalah perkara biasa. Kenaikan itu ada-

lah normal dan tidak mengambil masa lama.

“Kuantiti sayur rendah semasa cuaca hujan sehingga menyebabkan hasilnya kurang di pasaran hingga harganya mahal. Apabila kemarau, bekalan sayur-sayuran banyak dan harga akan jatuh,” katanya.

Beliau ditemui pada sidang akhbar selepas Karnival Agro Madani dan Majlis Pelancaran Program Jualan Khas Semarak Aidiladha Peringkat Kebangsaan di Pusat Transformasi Luar

Bandar (RTC) Tunjong, di sini semalam.

Katanya, FAMA berharap rakyat dapat mengutamakan produk sayur tempatan yang lebih segar dan berkualiti berbanding yang diimport meskipun harganya murah.

“Kita mempunyai petani yang mengusahakan tanaman sayur-sayuran di Lojing, Gua Musang dan Cameron Highlands, Pahang.

“Jadi, kita ada bekalan yang baik untuk membekalkan sayur-sayuran,” ujarinya.



ABDUL RASHID (dua dari kiri) membuat lelongan harga sayur-sayuran kepada orang ramai yang hadir pada Karnival Agro Madani dan Majlis Pelancaran Program Jualan Khas Semarak Aidiladha Peringkat Kebangsaan di RTC Tunjong, Kota Bharu semalam. – ROSLIZA MOHAMED



15 JUN, 2024

Harga sayur di pasaran masih stabil

Kosmo, Malaysia

SUMMARIES

Namun bergantung kepada faktor cuaca hujan

KOTA BHARU - Lembaga Pemasaran Pertanian Persekutuan (FAMA) mengesahkan harga sayur-sayuran di pasaran ketika ini masih stabil. + Ketua Pengarah FAMA, Abdul Rashid Bahri berkata, bagaimanapun, naik dan turun harga sayur-sayuran di pasaran bergantung kepada faktor cuaca."Kenaikan itu tidak membebankan pengguna dan ia adalah perkara biasa. Kenaikan itu ada

lah normal dan tidak mengambil masa lama.